

高僧山居诗



高僧山居詩

高僧山居詩

江蘇廣陵古籍刻印社出版發行

(揚州市鳳凰橋街)

金壇市精裝印務有限公司印刷

開本: 787×1092 1/32 印張: 5 $\frac{1}{8}$

1997年10月第1版 1997年10月第1次印刷

印數: 1-1000 定價: 9.00元

SGBH 7-60101-224-8/I·1

高僧山居詩目錄

貫休

山居詩并序……………一

永明

山居詩……………六

石屋

山居詩……………一九

五言律詩……………二九

七言絕句……………三三

中峰

山居十首 六安山中作 四二

水居十首 東海州作 四四

船居十首 己酉舟中作 四五

憇山

山居十首 四七

山居十首 四九

憶山居六首 有引 五一

山居十三首 五二

山居二十首 六言 五三

山居偶成四首 五五

山居二十八首 五六

栢堂

山居詩四十首 五九

雪峰

山居用韻時在福州雪峰 六七

山居 六七

和栢堂禪師山居四十首 七一

移住蒼官嶺酬止公見贈 七九

雪峰佛閣追步何鏡山原韻 七九

雪峰雨後……………八〇

高僧山居詩續編目錄

無見睹

山居詩……………八一

和永明禪師韻……………八二

三峰藏

山居詩……………九五

香山德瑩履中

山居詩……………一〇四

南澗法雨

山居詩……………一一四

龍池笠翁

和法雨大師二十七韻……………一一一

懷深

山居十咏……………一二六

法杲

山居……………一二八

又山居五首……………一二九

又山居……………一二九

明河

山居雜興 一三〇

通潤

山居十二首 一三六

山中書懷 一三九

慧漫

秋晚山居雜咏二首 一三九

山居 一四〇

山居即事 一四〇

山居歲暮 一四〇

山栖雜咏四首……………一四一

山居雜咏……………一四二

冲邈

翠微山居八首……………一四二

常達

破山山居八咏……………一四三

呆翁悅

蔣山雜詩六首……………一四五

自雉皋歸蔣山紀興……………一四六

蔣山草堂感賦三首……………一四六

山居二首 廬山作 一四七

山居五十二首 一四七

次和古德山居十偈 一五二

高僧山居詩

貫休

山居詩

并序

序曰。愚咸通四五年中。於鍾陵作山居詩二十四章。放筆。禁被人將去。厥後或有散書於屋壁。或吟詠於人口。一首兩首。時時聞之。皆多字句舛錯。洎乾符辛丑歲。避寇於山寺。偶全獲其本。風調野俗。格力低濁。豈可聞於大雅君子。一日抽毫改之。或留之。除之。脩之。補之。却成二十四首。亦斐然也。蝕木也。槩山謳之例也。或作者氣合。始爲一朗吟之可也。

休話諠譁事事難。山翁只合住深山。數聲清磬是非外。一箇閑人天地間。

綠圃空階雲冉冉。異禽靈草水潺潺。無人與向羣儒說。巖桂枝高亦好攀。
難是言休便卽休。清吟孤坐碧溪頭。三間茆屋無人到。十里松門獨自遊。
明月清風宗炳社。夕陽秋色庾公樓。修心未到無心地。萬種千般逐水流。
好鳥聲長睡眼開。好茶擎乳坐莓苔。不聞榮辱成番盡。只見巖熊作隊來。
詩理從前欺白雪。道情終遣似嬰孩。猶來此事知音少。不是真風去不迴。
萬境忘機是道華。碧芙蓉裏日空斜。幽深有逕通仙窟。寂寞無人落異花。
掣電浮雲真好喻。如龍似鳳不須誇。君看江上英雄塚。只有松根與柏槎。
鞭後從他素髮兼。湧清奔碧冷侵簾。高奇章句無人愛。淡泊身心舉世嫌。
白石橋高吟不足。紅霞影暖臥無厭。居山別有非山意。莫錯將余比宋纖。
鳥外塵中四十秋。亦曾高挹漢諸侯。如斯標致雖清拙。大丈夫兒合自由。
紫朮黃菁苗蕨蕺。錦囊香麝語啾啾。終須心到曹溪叟。千歲儲根雪滿頭。

慵甚嵇康竟不迴。何妨方寸似寒灰。山精日作童兒出。仙者時將玉器來。
筠箒掃花驚睡鹿。地爐燒樹帶枯苔。不行朝市多時也。許史金張安在哉。
心心心不住希夷。石屋巉巖白髮垂。養竹不除當路笋。愛松留得礙人枝。
焚香開卷霞生砌。卷箔冥心月在池。多少故人頭盡白。不知今日又何之。
龍藏琅函遍九垓。霜鍾金鼓振瓊臺。堪嗟一句無人得。遂使吾師特地來。
無角鐵牛眠少室。生兒石女老黃梅。今人轉憶龐居士。天上人間不可陪。
五岳煙霞連不斷。三山洞穴去應通。石窻欹枕疎疎雨。水碓無人浩浩風。
童子念經深竹裏。獼猴拾虱夕陽中。因思往事拋心力。六七年來楚水東。
塵埃中更有埃塵。時復雙眉十爲嘔。賴有年光飛似箭。是何心地亦稱人。
回賢參孝時時說。蜂蠶狼貪日日新。天意剛容此徒在。不堪惆悵不堪陳。
翠竇煙巖畫不成。桂香濕沫雜芳馨。撥霞掃雪和雲母。掘石移松得茯苓。

好鳥似花窺玉磬。嫩苔如水沒金餅。從他人笑從他笑。地覆天翻也只甯。
騰騰兀兀步遲遲。兆朕消磨只自知。龍猛金膏雖未作。孫登土窟且相宜。
薜蘿山帳偏能繡。橡栗年糧亦粗支。已得真人好消息。人間天上更無疑。
嵐嫩風輕似碧紗。雪樓金像隔煙霞。葛苞玉粉生香壠。菌簇銀釘滿淨槎。
舉世只知嗟逝水。無人微解悟空花。可憐擾擾塵埃裏。雙鬢如銀事似麻。
千巖萬壑路傾欹。杉檜濛濛獨掩扉。斲藥童穿溪罅去。採花蜂冒燒煙歸。
閑行放意尋流水。靜坐支頤到落暉。長憶南泉好言語。如斯癡鈍者還稀。

南泉大師云。學道之人。癡鈍者難得。

一庵冥日在穹冥。菌枕松床癡陣青。乳鹿暗行樛逕雪。瀑泉微濺石樓經。
閑行不覺過天井。長嘯深能動岳靈。應恐無人知此意。非凡非聖獨醒醒。
慵刻芙蓉傳永漏。休誇麝藻鄙湯沐。且爲小圃盛紅粟。別有珍禽勝白鷗。

拾栗遠尋深澗底。弄猿多在小峯頭。不能更出塵中也。百練剛爲繞指柔。
業薪心火日燒煎。浪死虛生自古然。陸氏稱龍終妄矣。漢家得鹿更空焉。
白衣居士深深說。青眼胡僧遠遠傳。剛地無人知此意。不堪惆悵落花前。
露滴紅蘭玉滿畦。閑拖象屣到峯西。但令心似蓮華潔。何必身將槁木齊。
古澗細香紅樹老。半峯殘雪白猿啼。雖然不是桃花洞。春至桃花亦滿溪。
自休自了自安排。常願居山事偶諧。僧採樹衣臨絕壑。
金華山出樹衣。僧多採爲蔬菜。極美也。
狄爭山果落空堦。閑櫓茶器緣青嶂。靜納禪袍坐綠崖。虛作新詩反招隱。
出來多與此心乖。

石爐金鼎紅蕖嫩。香閣茶棚綠嶺齊。塢燒崩騰奔澗鼠。巖花狼藉鬪山雞。
蒙莊環外知音少。阮藉途窮旨趣低。應有世人來覓我。水重山疊幾層迷。
自古浮華能幾幾。逝波終日去滔滔。漢土廢苑生秋草。吳主荒宮入夜濤。

滿屋黃金機不息。一頭白髮氣猶高。豈知知足金仙子。霞外天香滿毳袍。
如愚何止直如絃。只合深藏碧嶂前。但見山中常有雪。不知世上是何年。
野人愛向庵前笑。赤獍頻來納畔眠。只者逍遙好知己。何須更問洞中天。
支公放鶴情相似。范泰論交趣不同。有念盡爲煩惱錫。無機方稱水精宮。
香焚薝蔔諸峯曉。珠指金剛萬象空。若問山資言不及。恆河沙劫用無窮。

永明

山居詩

此事從來已絕疑。安然樂道合希夷。依山偶得還源旨。拂石閒題出格詩。
水待凍開成細溜。薪從霜後拾枯枝。因茲永斷攀緣意。誓與青松作老期。
古樹交盤簇徑深。閑無人到爲難尋。祇和算計千般事。誰解消停一點心。
凍鎖瀑聲中夜斷。雲吞嶽影半天沈。寒燈欲絕禪初起。透牖疎風觸短襟。